

S294

1288

1部25

傷寒真方歌括全

咸豐己未膏鏝

陳修園先生晚餘  
三書

傷寒真方歌括  
傷寒醫訣串解  
十藥神書註解

三山林氏校刊

長樂陳修園著

傷寒真方謬括

味根叅匪板

# 序

醫酒玉仲景臣矣六經之理玉  
傷寒編矣自宋景濂學士  
創為紀全書之說而後之注  
是書者任嘉剛移名抒臆說

刀圭家苦無適從之潤陳  
脩園前輩精於醫理嘗取仲  
景傷寒揭其旨要系經辨證  
各立方例間有未盡明其後詳  
注其所以然之妙未錄魏念

庭先生跋以殿之顧曰真方歌  
括續也果得其解是亦衛生之  
一助也若夫引伸觸類不泥於  
法而亦不背於法神而明之則  
存乎其人矣

咸豐己未重陽前二日浚縣扶  
壽萱謹序

傷寒真方歌括目錄

閩長樂陳念祖修園著

東治林壽萱校

卷一

太陽上篇方法

計歌括拾壹條

太陽中篇方法

計歌括玖條

太陽下篇方法

太陽救誤變症方法

計歌括叁條

計歌括拾捌條

卷二

陽明上篇方法

陽明中篇方法

傷寒真方歌括目錄



計歌括拾條

計歌括肆條

陽明下篇方法

計歌括叁條

卷三

少陽上篇方法

少陽中篇方法

計歌括陸條

計歌括叁條

少陽下篇方法

計歌括壹條

卷四

太陰全篇方法

計歌括式條

卷五

少陰全篇方法

計歌括拾陸條

卷六

厥陰全篇方法

計歌括伍條

陰陽易差後勞復病方法

計歌括伍條

末附魏念庭先生跋語

傷寒真方歌括卷一

閩長樂陳念祖修園著

治南林壽萱校

太陽上篇方法

太陽為寒水之經。主一身之膚表。邪之初傷。必自太陽經始。論云。太陽為病。脈浮。頭項強痛。惡寒。統傷寒中風而言也。傷寒詳見中篇

茲請先別中風之病。論云。太陽病。發熱汗出。惡風。脈浮。緩。或見鼻鳴。乾嘔者。為中風病。主以桂枝湯服湯。啜粥。

得熱熱微似汗則愈。若服桂枝湯太汗出不解，所以然者，以風邪得微汗則除，得大汗反不除，病不去則愈。浮緩之脈而為洪大，仍用桂枝湯，取微似汗則愈。倘若不愈，則病如瘧狀，日再發。邪微必散宜桂枝二麻黃一湯，撤其餘邪，則全愈矣。○前症是汗後餘邪未盡，以小劑為緩汗法。此症是過經不解，不可不汗，故制此湯以急汗之。不可大汗，故制小劑以微汗之。人知大劑急汗之法，而不知小劑亦有急汗之法也。○若太陽病得之八九日，頭痛項強，雖日久而未去，熱多寒少，往來如瘧而頻發。

本論云。二三日。是邪淺而欲衰。面上反有熱色。身癢必得少汗而全愈。宜桂枝麻黃各半湯主之。○桂枝症而兼喘者。宜桂枝加厚朴杏仁湯主之。○若燒針針處核起。因驚而發奔豚者。宜灸其核。以桂枝加桂湯主之。○若奔豚症欲作未作。其悸只在臍下者。宜茯苓桂枝甘草大棗湯主之。○若悸在心下。又手冒心者。因發汗過多所致。宜桂枝甘草湯主之。○若悞汗遂漏不止。惡風小便難。四肢拘急者。宜桂枝加附子湯主之。○若桂枝症誤下之後。胸滿者。是陰邪盛于陽位。恐芍藥附和陰氣。

宜桂枝去芍藥湯急散之。若兼惡寒者恐薑桂力微。宜桂枝去芍藥加附子湯以溫散之。○若汗後陽虛陰氣凝聚身痛者以桂枝新加湯行其陽氣。○又有太陽傳入本腑症發熱六七日不解。煩渴飲水水入即吐。小便不利者宜五苓散。表裏兩解之。又有太陽裏症而表邪具在下後。心下滿。小便不利者宜桂枝去桂加茯苓白朮湯。利水則表邪自化。此皆太陽症虛邪之方法也。

### 桂枝湯

發熱自汗是傷風。桂葛生姜芍棗。逢頭痛項強浮緩脈。

必須稀粥合成功。

芍藥桂枝生薑 各三錢  
炙草 三錢  
大棗 四枚  
水煎溫服。

須臾啜稀粥。溫覆取微似汗。○此方最切於時用。中風

汗自出者用之。服麻黃湯復煩者用之。下後脈仍浮者

用之。氣冲利不止者用之。陰症脈浮為欲愈亦用之。

桂草辛甘化陽。助太陽融會肌氣。芍草若甘養陰。故少

陰莫安營血。薑佐桂枝行陽。棗佐芍藥行陰。此方本不

發汗。藉熱粥之力。充胃氣以達於肺。令風邪從皮毛而

解。不傷氣血為諸方之冠。

時醫以桂枝湯麻黃湯。地非此方。時非冬月。戒不敢  
用。以羌獨蒼芎荆防代之。而不知此等藥更燥烈害  
入也。桂枝湯以桂枝為君。色赤入心。生血得芍藥之  
苦以和之。為陰陽調和之劑。麻黃湯以麻黃為君。比  
物輕清走表。絕無辛烈之味。悍濁之氣。又佐之桂枝  
入心化液。杏仁入肺降氣。甘草安內攘外。不加薑之  
上行。棗之留中。逕走肌表。不傷津液。觀蒼芎羌獨之  
類。孰和平孰峻烈耶。

桂枝工麻黃一湯



汗出不徹邪還襲如瘧頻來時翕翕桂枝湯二麻黃  
表後脉洪藉此輯

桂枝一錢三分芍藥生薑各一錢  
炙草七分麻黃七分  
杏仁十六箇

大棗一枚先煮麻黃去沫後入諸藥溫服○此是麻黃

症只用桂枝湯汗不徹之故故又作此湯再解其肌微

解其表此又桂枝後更用麻黃法也○按柯韻伯云麻

黃湯桂枝湯兩方各煎聽用如各半湯則各取其半而

合服之此湯則取桂枝湯二分麻黃湯一分合而服之

猶水陸之師各有節制兩軍相為表裏異道夾攻之義

也後人等其分兩合為一方。與葛根青龍輩何異。

桂枝麻黃各半湯

面熱身癢感雖輕。小汗輕施。顧衛營麻杏桂薑芍棗草減之各半定方名。

桂枝 一不二分。芍藥生薑炙草麻黃各八分。杏仁七枚。

大棗 二枚半。先煎麻黃去沫。入諸藥煎溫服。○此方原

小劑治欲退之餘邪。活人借用之。以代解肌諸方。

桂枝加厚朴杏仁湯

桂枝厚朴杏仁湯。諸喘皆須疎利方。誤下喘成還用此。

去邪下氣本相當。

即桂枝湯加厚朴五分杏仁十四枚。○論云喘家作

桂枝湯加厚朴杏仁主之言本然之喘也。又云太陽症

下之微喘者表未解也。此湯主之言誤下之喘也。

桂枝加附子湯。照桂枝湯加附一錢。

桂枝加桂湯。照桂枝湯加桂三錢。

太陽誤下遂拘急。湯本桂枝加附入更有枝起作奔豚。

桂枝加桂湯宜察。名遂漏症乃汗多脫液陽虛之候。此方固陽即所以止汗止汗即所以救

液。此桂枝加附子湯歌也。○又加桂枝者取味重則能

湯類方歌

達下也。○此桂枝加桂湯歌也。

茯苓桂枝甘草大棗湯

欲作奔豚。臍下悸。八錢。茯苓桂枝四。二甘。四棗。水甘瀾。直伐腎邪。安內志。

茯苓八錢。桂枝四錢。甘草二錢。大棗四枚。取水揚三五

百遍。名甘瀾水。用甘瀾水三杯。先煮茯苓至二杯。入諸

藥煮七分。溫服。○此方安腎以鎮水。使水不凌心。補脾

以制水。使水不泛溢。

桂枝甘草湯

人手冒心因過汗心下悸動欲得按桂枝炙甘草合辛止  
斂液安心固汗漫。

桂枝四錢。炙甘草二錢。水煎服。○辛從甘化陽中有陰。故

能補陽以止汗。生心液而定悸。

桂枝去芍藥湯。○即桂枝湯去芍藥。○誤下後胸

滿。是陰邪盛於陽位。用此湯急散之。不用芍藥者。

恐其寒性下行。領陰邪入於腹中。而為腹滿等症也。

桂枝去芍藥加附子湯。即前方加附子一錢。

惡寒為陰氣凝聚。恐薑桂力薄。故加附子。○按此

即下篇桂枝附子湯方也。但分兩不同。主治遂別。而方名亦因以異耳。

桂枝去芍因胸滿。脈促令平舒上腕。若稍惡寒陽內弱。速加附子不容緩。

按喻嘉言謂陽邪盛於陽位。故胸滿脈促。不知陽邪胸滿。多兼喘汗等症。已有葛根黃芩黃連湯法。今但云胸滿。是陰氣凝聚。減去芍藥。意在急散。若微惡寒者。又加附子。以助薑桂之力。其汲汲於扶陽可見。若果陽盛。則桂枝不堪入咽。況更加助湯之附子乎。即

云脉促為陽。不知陽盛於上則促。陰盛於內逼陽於外亦促也。或問桂枝人參湯症。與此曷別。曰風為陽邪。邪傷於外不曉解散而數下之。則病之熱邪盡陷於下焦。藥之寒性反留於心下。熱陷下焦斯為協熱之利不止。寒留心下斯為陰盛之心下痞。故以理中湯理其中氣。以升陽降陰。如兵法擊其中而首尾應也。若此症中下二焦無病。只宜上焦之陽。則撥雲見日不必多所審顧也。

桂枝加芍藥生薑人參新加湯

汗餘身痛脉沉遲痛本陰凝氣不支薑芍人參三味入。

桂枝湯舊化新奇

桂枝人參各三小芍藥生薑各四小炙草二小大棗三枚

水二杯半煎八分温服餘同桂枝湯法。○沉遲陰脉也。

陰凝則痛藉人參以助薑桂芍之力俾通而不痛也。喻

嘉言謂為餘邪未盡蓋未嘗于脈沉遲三字諦審耳。

五苓散

不解而煩熱且渴澤苓桂朮猪苓末積水留垢藉此行。

方曰五苓表裏奪。



澤瀉

六一兩

猪苓茯苓白朮各十八銖桂枝半兩共為末

本方重在內煩外熱用桂枝小勞汗以解表不是助四

苓以利水其用四苓是行其積水留垢不是疏通水道

○以白飲和服方寸匕今用三錢日三服多飲煖水汗

出愈○多飲煖水使水精四布上滋心肺外達皮毛溱

溱汗出表裏之煩熱兩除矣白飲和服即鬻粥之微義

也按此湯其桂枝去桂如茯苓白朮湯及猪苓湯細細

分別方知併景用藥之妙○桂枝色赤入丙四苓色白

歸辛丙辛合為水運用之為散散於胸中必先上焦如

作藥身歌抄 卷一  
霧然後下焦如瀆。何有煩渴癰閉之患哉。

桂枝去桂加茯苓白朮湯

桂枝服後或又下。心滿發熱強痛怕。甘苓白朮棗芍薑。  
表裏邪白小便化。

茯苓白芍生薑白朮各三下。大棗三枚炙草二下水煎。

漚服小便利則愈。○此治大陽裏症。俾膀胱水利。而表

裏之邪悉除。五苓散末云。多服煖水出汗愈。意重在發

汗。故用桂枝。此方末云。小便利則愈。意重在利水。故去

桂枝。但既去桂枝。仍以桂枝名湯者。以頭痛發熱。桂枝

症仍在。但不在太陽之經。而在太陽之府。因變其解肌之法。而為利水。水利則滿減。熱除而頭頂強痛亦愈矣。仲景因心下滿。加白朮。今人以白朮壅滿。大悖聖訓矣。

### 太陽中篇方法

證同上篇。唯身痛。骨節疼痛。惡寒無汗。而喘。脉陰陽俱。脈名曰傷寒。宜麻黃湯以汗之。○若無汗。而煩躁。脉浮。緊。宜大青龍湯以涼散之。若有汗。必不可用。若脉沉。是少陰症。更忌此湯。○若煩躁而欬。嗽。欬逆而小便不利。是挾水氣。宜小青龍湯以發汗利水。○若證同傷寒。初

起便不惡寒但惡熱大渴是溫熱病宜麻杏甘石湯以  
涼散之。○若麻黃症悉具而尺脈弱者不可遽汗宜先  
補而後汗之。○若脈沉弱不可發汗熱多寒少宜桂枝  
二越脾一湯以小汗之。○若無汗而癩熱發黃宜麻黃  
連乾赤小豆湯發越以疏利之。○若太陽病不解熱結  
膀胱其人如狂名自入本腑症既經外解而小腹急結  
者宜桃仁承氣湯攻之其人發狂小便自利小腹便滿  
大便黑宜抵當湯或丸峻攻之此太陽實邪之方法也

麻黃湯

太陽脉緊喘無汗。身痛腰疼必惡寒。麻桂為君甘杏佐邪從汗散一時安。

麻黃三錢。桂枝二錢。炙草一錢。杏仁二十三枚。水二杯。半。先煮麻黃至杯半。去沫入諸藥同煎至八分。溫服。覆取微似汗。不須啜粥。○內經云。寒淫於內。治以甘熱。佐以半苦。此方得之。

### 大青龍湯

浮緊惡寒。兼發熱。身疼煩燥。汗難徹。麻黃。桂。杏。甘。棗。薑。石膏。助熱。青龍。颯。

麻黃 六錢 桂枝 炙草 各二錢 杏仁 十三枚 生薑 三錢

大棗 四枚 石膏 四錢 先煮麻黃去沫後入諸葯煎溫服。

取微似汗。汗多者以溫粉撲之。○柯韻伯云治症同麻

黃湯。但有喘與煩躁之別。喘是寒鬱其氣升降不得自

如。故多用杏仁之苦以降氣。煩燥是熱傷其氣無津不

能作汗。故特加石膏之甘以生液。然又恐况寒太甚內

煩既除。外寒不解。變為寒中。協熱下利。故倍麻黃以散

表。又倍甘草以和中。更用薑棗以調營衛。一汗而表裏

兩解。風熱是除。○此方不可輕用。誤服大汗亡陽以真

武湯。攷之。○温粉。即白朮。藿本。川芎。白芷。為末。米粉。和。撲之。

小青龍湯

素常有飲外邪。溱麻。桂。細辛。薑。夏。佑。五味。收。金。甘。芍。和。

青龍。小用。翻江走。

麻黃。芍。藥。乾。薑。炙。草。桂。枝。各二錢。半夏一錢五分。五味

細辛各一錢。先煮麻黃去沫。後入諸藥煎服。○此方不

大汗而長於利水。如山澤小龍。不能奮髯登天。只乘雷

雨而直奔滄海也。

加減法。○若微利者。去麻黃加薏花。今以茯苓代之。  
更穩。○若渴者。去半夏加栝樓根二錢。○若噎者。去  
麻黃加炮附子一錢。噎即呃也。○若小便不利。小腹  
滿。加茯苓三錢。○喘者。去麻黃加杏仁十三枚。

麻黃杏仁甘草石膏湯

麻黃杏仁石膏草。外散內涼。喘汗好。從來溫病有良方。  
宜向風寒外搜討。

麻黃 四錢。杏仁 十六枚。炙草 二錢。石膏 八錢。先煮麻黃

去沫。後八諸藥煎溫服。○此方治溫病。



小建中湯

二三日內煩而悸。尺遲。營虛。又須記桂枝倍芍加飴糖。湯名建中。溫補治。

即桂枝湯。倍芍藥。入飴糖。烱服。嘔者不可用。以甜故也。○此陰陽平補之神方。

桂枝二越脾一湯

熱多寒少。脈微弱。多治熱。少寒治畧。芍桂麻膏甘棗薑。桂枝越脾善裁度。

桂枝。白芍。麻黃。生薑。炙草。各一錢七分。石膏二錢。大棗。

二枚。水先煮麻黃去沫。內諸藥同煎溫服。○按既用麻黃。又云不可發汗。示不可大發其汗。比上小發汗之方更輕。

麻黃連翹赤小豆湯

瘧熱在裏黃遂發。滲泄之中兼疏越。麻翹甘豆杏梓皮。更加薑棗莫恍惚。

麻黃連翹生薑炙草各二錢。赤小豆三錢。大棗三枚。生

梓白皮二錢。如無茵陳代之以潦水二杯半。先煮麻黃

至二杯去滓。入諸藥煎八分溫服。潦水無根水也。

桃仁承氣湯

寒本傷營多蓄血。桃仁承氣滌邪熱。硝黃甘草桂枝宜。譏語如狂斯切切。

桃仁

十六粒  
去皮尖

大黃

四錢

甘草桂枝各二錢

水煎去滓入

芒硝

二錢

煎微沸温服。

○桃仁直達血所。桂枝分解外

邪即抵當症之輕者。

抵當丸

水蛭

散

蝨 去足各七個

大黃

二錢酒洗

桃仁

十二枚  
去皮尖

研末為丸。水一抔煮取七分服。

晬時當下血。不下血再服。○活人云水蛭必用石灰

炒過再熬方不害人

抵當湯

水蛭 蝱 蟲

各合二個

大黃 三錢

桃仁 七個

熬製照上方水一杯半煮七分溫服。不下再服。

脈見沉微證發狂熱痰小腹硬而膨抵當兩劑分乎峻  
蝱蛭桃仁共大黃。○抵者抵其窠穴也當者當其重任  
也。○蛭者水蟲之善飲血也。○蝱者陸血之善飲血也。  
水陸並攻同氣相求更佐桃仁之推陳致新。大黃之蕩  
滌熱邪故名抵當也。

太陽下篇方法

此篇專論兼症。辨其同申之異。

論云傷寒八九日風濕相搏身體痛不能轉側宜桂枝  
附子湯。若其人大便鞕小便自利者去桂加朮上之。  
若煩疼深入骨節之間四散掣痛近之則痛劇汗出氣  
短小便不利惡風不欲去衣身或微腫者宜甘草附子  
湯溫經散濕。○若桂枝症悉具唯小便數脚攣急迎殊  
反與桂枝湯攻表得之便厥咽中乾煩躁吐逆作甘草  
乾薑湯與之以復其陽若厥愈足溫者更作芍藥甘草  
湯主之。其脚即伸謔語者與調胃承氣湯微和其胃氣。  
若重發汗復加燒針者四逆湯主之。以四逆湯下薑附

回陽重用甘草以生血故也

桂枝附子湯

此風勝於濕之主方

桂枝四錢

附子生薑各三錢

炙甘草二錢大棗三枚水煎服

虛弱家及產婦附子只用一錢五分至二錢

桂枝附子去桂加白朮湯此濕勝風之土方

即前方去桂枝加白朮四錢○初服其人身如痺

半日許服之三服盡其人如冒狀勿怪此以朮附

並走皮肉中逐水氣未得除故使之耳法當加桂

枝四錢活人續云其大便硬小便自利故不加桂

也

桂枝附子薑甘棗。身體疼痛風濕掃小便自利大便堅。  
去桂加朮潤枯槁。論云傷寒八九日風濕相搏身體  
疼痛不能自轉側不嘔不渴脈浮虛而濇者與桂枝附  
子湯主之。若其人大便硬小便自利者去桂加白朮  
湯主之。○風者天之陽邪也故以桂枝化風為主濕者  
地之陰邪也故以白朮燥濕為主。○此即桂枝去芍藥  
加附子湯也。但彼方只用桂枝三錢附子一錢以治下  
後脈促胸滿之症此方桂枝又加一錢附子又加二錢。

易長真方火舌

卷一

五

以治風濕身疼。脈浮而濡之症。一方而治病迥殊。方名亦異。只以分兩多少為分別。後人何得以古方而輕為加減也。

甘草附子湯

桂枝 甘草 化表風 附子 白朮 驅裏濕 甘草 冠此三味前  
義取緩行勿迫急。

甘草 炙。附子 炮。白朮 各二錢。桂枝 四錢。水二杯煎一杯。溫服。得微汗則解。若大汗出風去而濕仍在病反不除。可知病深關節義在緩行而徐解之。仲景不獨審病有



法處方有法即方名中藥品之先後亦寓以法所以讀  
書當於無字處着神也。

甘草乾薑湯。炙甘草四錢炮薑二錢水煎服。

芍藥甘草湯。芍藥炙草各四錢水煎服。

吐逆煩躁又咽乾。甘草乾薑服即安厥愈足溫攣仍舊。  
更行芍草一方餐。上二句甘草乾薑湯。辛甘以復其  
陽則厥愈足溫下二句芍藥甘草湯。苦甘以復其陰則  
攣急愈而脚伸矣。

調胃承氣湯見陽明。

四逆湯見少陰。

傷寒論卷一  
太陽救誤變症方法

太陽症脉弱有汗及少陰症。誤服大青龍湯筋惕肉瞤。汗出亡陽者。用真武湯以救之。吐下後氣衝而眩。或大汗後身振振者。宜茯苓桂枝白朮甘草湯。服發汗藥汗出而渴者。五苓散主之。汗出而不渴者。茯苓甘草湯主之。發汗後反惡寒。因汗多而亡陽也。惡寒而厥。宜四逆湯。惡寒而不厥。宜芍藥甘草附子湯。若陽盛於內。誤服桂枝湯。汗出而煩甚者。宜白虎加人參湯。傷寒脉浮。以火迫劫。亡陽驚狂。宜桂枝去芍藥加蜀漆

龍骨牡蠣湯。○火逆下之。因燒針煩燥。宜桂枝甘草龍骨牡蠣湯。○太陽外證未除。而數下之。遂協熱而利。利不止。心下痞鞭。表裏不解。宜桂枝人參湯。○又有陽氣太重。雖服表藥不能作汗。宜少與調胃承氣下之。則汗出而解矣。本論云。傷寒不大便六七日。頭痛有熱者。宜調胃承氣湯是也。○太陽誤下。而傷其上焦之陽。陽氣既傷。則風寒之邪乘虛而入。上結於胸。而硬痛。不按而自痛者。宜大陷胸湯。按而始痛者。宜小陷胸湯。○有表邪未解。而未盡之邪。則爲水飲。心下痞鞭滿。引脇下痛。

乾嘔氣短。汗出不惡寒者。以大棗湯主之。○又有誤用  
冷水濕灌。以致肉上粟起。意欲飲水。反不渴者。宜文蛤  
散。○寒實結胸。宜三物白散。○結胸者。結於胸前也。痞  
者。心不滿。塞不舒也。陽症。心下痞。餘處無汗。惟心下有  
汗。按之沾濡於手。脉關上浮者。以大黃黃連瀉心湯主  
之。○若惡寒已罷。因痞而復惡寒。初無汗出。因痞而反  
汗出。是寒熱相搏而成痞。以附子瀉心湯主之。如汗雖  
出。而水氣未散。以致心下痞。乾噫食臭。脇下有水氣。  
腹中雷鳴下利者。以生薑瀉心湯主之。○又有臟結症。

本論云如結胸狀飲食如故時時下利寸脈浮關小細  
沉緊名曰臆結舌上白胎滑者難治此以小沉細緊知  
陰寒之甚也見之關部者以關部居上下二焦之界下  
為臆結上似結胸其脈獨困於中也舌上白胎滑者非  
丹田有熱是寒水之氣浸浸乎透入心場矣魏念庭云  
人知仲師辨結胸非臆結為論不知仲師言外之意正  
謂臆結與痞相類而與結胸實不同蓋結胸者陽邪也  
痞與臆結陰邪也痞則尚有陽浮於上臆結則上下俱  
無陽矣是皆誤吐誤下誤汗之流毒也仲師無方法大

抵以四逆湯治之。如客邪不散，可用桂枝湯。然客邪豈能自散？則亦內陽生而逐之，使散矣。○又有發汗後，虛邪入腹作脹者，以厚朴生薑半夏人參湯主之。○又有下利後，心下痞服瀉心湯已，復以他藥下之，利不止，醫以理中與之，利益甚，赤石脂禹餘糧湯主之。○復利不止者，當利小便。○傷寒汗吐下後，心下痞鞭，噫氣不除者，旋覆代赭石湯主之。○此太陽救誤及變症方法也。○調胃承氣湯以前是救誤，調胃承氣湯以下是變症。○真武湯見少陰症。

茯苓桂枝白朮甘草湯

胃下氣衝眩陣陣沉緊

也。脈候

發汗身振振

也。搖動

症類真

武更輕些。苓桂朮甘湯急進。

茯苓

四。不桂枝白朮炙草各二。水煎。

朮草和胃脾以運津液。苓桂利膀胱以布氣化。

五苓散 見太陽上篇。

茯苓甘草湯

甘草茯苓薑桂枝。擣而汗出。兩厭施。五苓症渴。五苓散症只

必渴。滋無辨症分明用勿疑。

茯苓桂枝炙甘草各二升。生薑三升。水煎服。

徐靈胎云。此方治發汗後汗出不止。則亡陽。在即當與真武湯。其稍輕者。當與茯苓桂枝白朮甘草湯。更輕者。則與此湯。何以知之。以三方同用茯苓。知之蓋汗大洩。必引腎水上泛。非茯苓不能鎮之。故真武則佐以回陽附子。此方則佐以桂枝甘草斂汗。而茯苓皆以為主藥。此方之義。不了然乎。

四逆湯見上。

芍藥甘草附子湯



陽氣素虛宜速中。遽行發汗惡寒衝回陽附子補陰芍  
甘草和諧營衛通。

芍藥炙草各三小。附子一。水煎服。未發汗而發熱  
惡寒宜汗之。既汗而表症仍在者宜再汗之。今發汗後  
反惡寒此因汗而亡陽惡寒也。然亡氣中之陽用四逆  
湯亡血中之陽用此湯。惡寒而厥宜四逆湯。惡寒而  
不厥宜此湯。

曰虎湯

石膏八小。知母三小。炙草一。粳米四小。

水二杯煮米熟湯成。大約一杯溫服。

白虎加人參湯。即前方加人參一錢五分。

白虎知甘米石膏陽明大渴汗涸涸。白汗則蒸甚於加經非石膏不治。

參補氣生津液。熟逼亡陽。此最高。

誤服桂枝湯汗亡不止。大煩渴。脉洪者。以此救之。

徐靈胎云。亡陽之症有二。下焦之陽虛。飛越於外而

欲上洩。則用參附等藥以回之。中焦之陽盛。湧奔於

外。而欲一洩。則用石膏以降之。同一亡陽而治法迥

殊。細審之。否則死生立判。

桂枝去芍藥加蜀漆牡蠣龍骨救逆湯

火劫驚狂卧不安亡陽散亂浮脉有牡龍蜀漆生薑八  
桂草相和救逆丹。即桂枝湯去芍藥加蜀漆二升牡  
蠣四升龍骨三升。先煮蜀漆後入諸藥煮溫服。

此與少陰汗出之亡陽迥別。蓋少陰之亡陽亡其  
賢中之陽。故以真武四逆輩以回之。今乃以火逼  
汗亡其心中之陽。故用安神之品以鎮之。又與陽  
盛誤服桂枝湯之亡陽大異。陽明火盛一乘桂枝  
之熱。迅奔於外。大汗不止。是亡其胃中之陽。故用  
石膏以滋之。

桂枝甘草龍骨牡蠣湯

桂枝主外龍牡內

杜社散內入之火使出於外。炙草調龍牡之浮越之神使守其中。

和內外配。火逆下之本不堪燒針煩躁更堪耐。

桂枝一升。炙草二升。牡蠣龍骨各三升。水煎服。

龍牡重滯之質得桂枝而始神其用

桂枝人參湯

外證未除。數下之。理中湯內桂枝。施誤攻。致利兼心痞。

補散合成內托奇。

桂枝炙草各二升。白朮人參乾薑各一升。五分。水二杯。

牛先煮四味取一杯半去滓入桂枝煮八分服

桂枝獨後煮欲其於治裏藥中越出於表以散其

邪也

調胃承氣湯見陽明

大陷胸湯

短氣燥煩邪上結大黃甘遂芒硝泄陽邪下早陷胸中

蕩條苦寒內除熱

大黃二升芒硝一升甘遂末三分水一杯先煮大黃至

六分去滓入芒硝煮一二沸內甘遂末服得快利勿再

服○與承氣湯有上下之殊

大陷胸丸

陷邪迫處於心胸。俯則難寬。勢欲昂。葶藶大黃硝杏合。別尋蜜遂煮丸攻。

大黃四水葶藶子煮芒硝杏仁各一水五分搗為丸如

彈子大。每用一九入甘遂末三分。白蜜半匙。水一杯。煮半杯溫服。一宿乃下。如不下更服。以下為度。

小陷胸湯

不按自痛。大結胸。小結脈浮。按始痛。黃連半夏栝蒌仁。

痰沸驅除膈內空。

黃連一錢半夏二錢括萆實三錢水二杯先煮括萆實至一杯餘入二味再煮至七分服微下黃涎止後服大承氣所下者燥屎大陷胸所下者蓄水此方所下者黃涎涎者輕於蓄水而未成水也。審病之精用藥之切如此。

十棗湯

胸脇滿痛徒乾嘔水飲結搏成巨蘗甘遂芫花夫戟末十棗湯調涎痰否。

芫花熬甘遂大戟各等分異筒秤未合和之。水二杯。不  
煮大棗十枚至七分去渣滓。內藥末。強人服八九分。羸  
人服五六分。平旦溫服。若下少。病不除。明日更服。加三  
分。利後糜粥自食。○峻藥不可輕用。

文蛤散 即文蛤一味為散。以沸湯和服二錢。

此方取其生於海中。殼能輒堅。利皮膚之水。內能  
滋陰。止胸中之煩。不過指示其意。非治病之方也。  
金匱有文蛤湯方。用文蛤麻黃石膏杏仁甘草生  
黃大棗七味。柯韻伯採補確有意義。



文蛤散原只一味。變散為湯。七物。棗麻杏甘石薑棗加。金匱採來誠足貴。

之物白散

方名白散用三竒。桔梗相兼貝母宜。巴豆熬成白飲下。胸前寒實一時難。

桔梗貝母各四錢二分。巴豆一錢二分。去心熬黑。餘各為末。以白飲和服八分。羸者減之。病在膈上必吐。病在膈下必利。不利進熱粥一杯。利不止進冷粥一杯。

大黃黃連瀉心湯

汗下倒施邪遂痞。黃連加入大黃裡。取汁只用麻沸湯。氣味輕清存妙裡。

大黃二錢黃連一錢。以麻沸湯漬之。須臾絞去滓。溫服。

此方治虛痞。每令人疑。曰仲景使人疑處。正是妙處。以麻沸湯取汁去滓。僅得其無形之氣。不重其有形之味。是取其氣味具薄。不大瀉下。雖曰攻痞。而攻之之妙義無窮也。

附子瀉心湯

氣痞惡寒兼汗出。三黃加入附子。吉。回陽瀉痞不相妨。

始識長沙法度密

大黃二錢 酒洗 黃連 黃芩 俱少 各一錢 附子一錢 另煎

以麻沸湯漬三黃 須臾去滓 取汁 內附子汁 合和 溫服

此法更精 附子用煎 三味用泡 扶陽欲其熟而性重

開痞欲其生而性輕也

生薑瀉心湯

腹內雷鳴 心下痞 生薑 今半 乾薑 美黃連 甘草 棗 同煎

輔正人參功莫比

生薑 二錢 炙草 人參 黃芩 各一錢 五分 半夏 一錢 大棗

收  
乾薑黃連 各五分 水煎

按韻伯云治痞不外瀉心湯正氣奪則為虛痞在  
太陽以生薑為君者以汗雖出而水氣猶未散故  
微寓解肌之意也在陽明以甘草為君者以妄下  
胃虛致痞故倍甘草以建中而緩容邪之上逆也  
在少陽以半夏為君者以半夏最能升清降濁變  
柴胡半表之治。雖少陽半裏之意邪氣盛則為實  
痞。陽明心下痞餘處無汗。唯心下有汗按之沾濡  
於手脈關上浮者以大黃黃連瀉心湯主之。右惡

寒亡罷因痞而復惡寒初無汗出因痞而反汗出  
是寒熱相搏而成痞以附子瀉心湯主之

厚朴生薑甘草半夏人參湯

發汗之後實邪戢腹猶脹滿虛邪入厚朴生薑草夏參

除脹補虛各安輯

厚朴生薑 各四錢 炙草二錢 半夏一錢五分 人參五分

水煎服

汗後邪氣已去而猶脹滿者乃虛邪入腹故以厚

朴除滿餘藥補虛助胃

赤石脂禹餘糧湯

利在下焦防涓脫。餘糧石脂兩相遇。理中未效此方奇。  
未止還從小便達。

赤石脂禹餘糧各二兩六錢。水三杯半煎一杯服。日二服。

此利在下焦非理中湯所能治。二石皆土之精氣所結。治下焦之標。實以培中宮之本也。要知此症土虛而火不虛。故不宜於溫補。若濕甚而虛不甚者。宜從小便利之。

凡草藥皆稟一六之氣。土虛之甚者畏之。此方以土補土。得同氣相求之義。又有爐底補塞之功。

旋覆代頰石湯

旋亦代頰。石甘草半夏人參湯與棗心胸痞滿噎不除。借用膈噎亦能好。

旋覆花 一斗五分。人參 一斗。生薑 二斗五分。半夏 一斗。

甘草 一斗五分。代頰石 五分。大棗 二枚。水煎服。日三服。

此治大邪解後而心下痞鞅之方。其不用瀉心者。以心下無寒熱之互結。故不用芩連乾薑之辛苦。

只用鹹降之旋覆佐諸藥以補虛散痞下逆期於  
中病而止也。



傷寒真方歌括卷二

閩長樂陳念祖修園著

治南林壽萱校訂

陽明上篇方法

邪初傳陽明。兼見頭痛惡寒。是太陽表症未罷。自汗脈

緩宜桂枝湯。項背几几者。几皆殊几几者。鳥飛羽短伸

得舒之其以陽明主宗筋筋強硬短縮之象也。桂枝加葛根湯主之。無汗脈浮

宜麻黃湯。項背几几者。葛根湯主之。或兼見下利。若不

下利而嘔。宜葛根加半夏湯主之。若誤下。脈促利不止

喘而汗出。宜葛根連芩湯主之。

有陽明中風。兼見寒熱往來。脈弦大。胸滿。及面目悉黃。小便難。潮熱時噦。與小柴胡湯。如脈雙弦。心下硬。與大柴胡湯。

如太陽之邪已罷。悉傳陽明。虛煩。虛熱。咽乾。口燥。舌上白胎。腹滿。煩燥。懊懷。不得安卧。以梔子豉等湯吐之急。除胃外之熱。不使胃家之實。此以吐法為陽明解表之法也。如邪傳陽明。如前。而大渴。大熱。大汗。脈洪而長。為陽明經之本症。以白虎湯。白虎加入參湯主之。陽明症。煩熱不卧。小使不利。宜猪苓湯主之。若出汗。

過多。小便不利者不可用。此陽明病在經之方法也。

桂枝加葛根湯

太陽合病項几几汗出傷風桂葛茹薑棗芍甘不啜粥  
陽明纔見即攻驅。

葛根 四錢 桂枝 芍藥 生薑 各二錢 炙草 一錢五分 大棗

三枚 先煎葛根去沫後入諸藥同煎服覆微似汗不須

啜粥 按此即桂枝症漸深將及陽明故加葛根以斷

其前路仍用桂枝以截其後路尚書云去疾莫如盡此

方得之。

### 葛根湯

太陽項背病凡几。桂葛麻黃因汗無。炙草棗薑監制用。陽明合病亦何虞。

葛根 四錢 麻黃 三錢 芍藥 二錢 生薑 二錢 炙草 桂枝 各

二錢 大棗 四枚 先煮麻黃葛根去沫入諸藥煎服不須

啜粥 此太陽將入陽明。若下利。則為太陽與陽明合

病。蓋以風邪入胃。主下利也。

桂枝葛根湯。治將入陽明之有汗。此治將入陽明之無

汗。

葛根加半夏湯

合病應利不下刺驗之於嘔還分類葛根湯內半夏加  
開闔失機升降治。即前方加半夏二錢  
葛根湯升劑也。半夏芍藥降劑也。太陽陽明兩經皆  
病。開闔失機。故以升降法治之。

葛根黃芩黃連湯

誤下脈促利不止外邪內陷熱傳裏。葛根甘草並芩連。  
提出大陽喘汗已。

葛根四錢 炙草黃芩各一錢 黃連一錢五分 先煮葛根

去沫後入諸藥同煎服

小柴胡湯 大柴胡湯 俱見少陽

梔子豉湯

治後汗吐下

虛煩不得眠

虛為正氣虛。煩為邪氣擾。與於建中症。無熱之虛。懊

懣得

心不安

反覆得

身不安實堪憐

山梔香豉煎溫服胸腹餘邪

一切蠲

梔子 五七枚 香豉 四錢 先煮梔子後入香豉煮服得吐

止後服

梔子苦能涌泄。寒能勝熱。梔象心而入心。豆象腎而入

腎煩燥不寧是心腎之病故以苦寒之梔子得豆豉之  
舒氣作吐。凡一切煩燥燠懷之結於心腹者一吐而具  
解矣

梔子甘草豉湯

即梔豉湯加炙草二錢

煎服法同上

梔子生薑豉湯

即梔豉湯加生薑五錢

煎服法同上

無物為嘔有物為吐欲止其嘔反令其吐吐之而  
嘔反止。真匪夷所患也。

外邪內陷熱傷風。梔豉湯中甘草二嘔逆去草用生薑

薑能散逆精神粹

梔子厚朴枳實湯

腹滿心煩臥不安正虛邪熾上中搏苦寒梔子快胸膈  
枳實能消厚朴寬

厚朴薑汁炙四錢枳實二錢梔子五六枚水煎服

梔子乾薑湯

誤下陰陽兩受傷乾薑梔子合成湯若能泄熱解煩滿  
乖以驅寒並復陽

梔子五枚乾薑二錢五分水煎服得吐止後服

梔子蘘皮湯



男黃梔子蘘皮湯苦藉甘和甘草良熱達膚間勢外出散和滲濕兩無妨。

梔子六七枚蘘皮二小甘草一大小煎服

附梔子湯解

按柯韻伯云陽明表症不特發熱惡熱。目痛鼻乾等症一切虛煩。咽乾口燥。舌胎腹滿。煩躁懊懷不得卧。凡在胃之外者。悉是陽明表症。仲景製汗劑。是開太陽表邪之出路。製梔子湯吐劑。是引陽明表邪之出路。但使心腹之濁邪上出於口一吐。而心腹得舒表

裏之煩熱悉除矣。熱傷氣者少加甘草以益氣。虛熱相搏者多嘔。加生薑以散邪。若下後而心復滿起臥不安。是熱已入胃。便不當吐。故去香豉。加枳朴以泄滿。合梔子兩解心腹之妙。又小承氣之輕劑也。若以丸藥下之。身熱不去。知表未解也。心下結痛。知寒留於中也。故任梔子之苦以除熱。倍乾薑之辛以逐寒。然非吐不能以達表。故用此以探吐之。此又寒熱並用。為和中解表之劑矣。內外熱熾。肌肉發黃。必須苦甘之劑以調之。藥皮甘草色黃而潤。助梔子以除內煩。

外熱形色之病仍假形色以通之。此皆用梔豉加減以禦陽明表症之變幻也。韻伯此論誠千古之特見。學者宜熟讀之。

白虎湯

白虎加人參湯

俱見上太陽救誤篇

猪苓湯

少陰不眠煩嘔逆。陽明熱渴。燥。小便赤。利水藥中寓育陰。阿膠猪苓澤滑石。

猪苓去皮茯苓澤瀉滑石阿膠各一升水二杯煎一杯去滓入膠烊化溫服

此與五苓散有天淵之別。彼治太陽入本。太陽同  
寒水。故以桂溫之。此治陽明少陰結熱。二經兩關  
津液。故以甘涼之藥滋之。二症若汗多胃燥。即此  
方亦不可與。恐利水傷其液津也。

陽明中篇

有太陽陽明。因汗吐下利。小便亡津液。胃中乾燥。太陽  
之邪乘胃燥而轉屬陽明。致小便數。大便鞭。論謂為脾  
約。以麻仁丸主之。  
有少陽陽明。病已到少陽。法當和解。而反發汗。利小便。

亡其津液胃中燥熱轉屬陽明以致大便燥結論謂大便難以蜜煎猪膽汁導之  
有在陽陽明陽氣素盛或有宿食大腸之邪一傳陽明遂入胃腑致大便不通論謂實以三承氣湯隨輕重下之此陽明病在腑之方法也

### 麻仁丸

素常脾約感風寒須用麻仁潤下丸杏芍大黃煎枳朴脾陰得潤胃腸寬

麻仁二兩芍藥枳實

各五錢

大黃厚朴杏仁各一兩煉

蜜丸如梧桐子大飲服十九漸加以知為度

脾燥宜用緩法以遂脾欲非比胃實當急下也

蜜煎導方 蜜一杯於銅器內微火煎凝如飴狀

取紙撚作挺子以線扎之外以蜜厚包之如指許  
長二寸微熱納穀道中以手急拖欲大便時乃去  
之時法醮些皂角末

猪膽汁方 猪膽一枚和醋少許以竹管灌入穀

道中如一食頃當大便出宿食惡物甚效

津液內涸不宜攻。須得欲使以法通。蜜主潤腸膽泄熱

兩方引導有神功

大承氣湯

大黃 酒洗二錢 厚朴 四錢 枳實 二錢  
五分

芒硝 二錢

水三杯先煮枳實厚朴至一杯半去滓

以大黃煮取一杯去滓內硝更上微火一兩沸溫

服得下勿再服 生者氣銳而先行熟者氣純而

和緩仲景欲芒硝先化燥屎大黃繼通地道而後

枳朴去其痞滿此本方之煎法也若小承氣湯則

三味同煎即寓微和之意

小承氣湯

大黃 四錢 厚朴 二錢 枳實 二錢 水二

杯煎八分。溫服。初服當更衣。不爾者再服。若更衣  
勿服。大承氣厚朴倍。大黃是氣藥為君。分煎取  
其後來。居上欲急下。燥屎也。小承氣大黃倍。厚朴  
是氣藥為臣。同煎取其氣味。渾勻欲微和胃氣也。  
燥堅痞滿。大承氣枳朴硝黃共四味。未硬去硝。先探試  
邪輕。小實小承氣。

調胃承氣湯

溫溫欲吐。心下痛。鬱鬱微煩。胃氣傷。甘草硝黃調。且劑  
心煩腹脹。熱蒸良。



大黃

四錢去皮清酒洗

炙草三錢芒硝三錢水二杯先

煮大黃甘草取一杯去滓內芒硝更上微火煮令沸少  
少溫服之

熱淫於內治以鹹寒芒硝也。火淫於內治以苦寒。  
大黃也。更佐以甘草。緩硝黃留中泄熱。非惡硝黃  
傷胃而用之也。少少服之。不使其速下而利也。  
芒硝解結熱之邪。大承氣用之以解已結之熱。此  
用之以解將結之熱。

附解

按張憲公云承者以卑承尊而無專成之義天尊  
地卑一形氣也形統於氣故地統於天形以承氣  
故地以承天胃土也坤之類也氣陽也乾之屬也  
胃為十二經之長化糟粕運精微轉味出入而成  
傳化之府豈專以塊然之形亦惟承此乾行不息  
之氣耳湯名承氣確有取義非取順氣之義也憲  
公此解超出前人惜其所著傷寒類疏未刊行世  
憲公諱孝培古吳人也

陽明下篇

腑症雖有三而陽明之辨所尤重在能食為胃強不能食為胃衰。大都能食者皆可攻下。但有緩急之殊。惟是不能食者。乃有挾虛寒。挾結熱之不同。虛寒則食而不欲嘔。及乾嘔吐涎沫之症。宜吳茱萸湯。濕之結熱則腹滿不大便。譫語而脈濇者。當用蜜煎膽導。不得拘於腑病為陽。槩用寒下。而禁用溫劑也。又有下利後。心下痞。腸鳴。乾嘔者。用甘草瀉心湯。以藥甘為泄滿法。發黃。用茵陳蒿湯。從小便以逐穢法。不可不知也。

吳茱萸湯

陽明吐穀喜萊萸薑棗 人參却並驅吐利踈煩手足冷  
吐涎頭痛立殊功。

吳萸 泡 人參 各二錢 生薑 四錢 大棗 三枚 水煎服

此方降濁陰。扶生氣。俾震坤合德。土木不害。

甘草瀉心湯

下利腹鳴乾嘔痞。大棗 芩連薑夏使。甘草瀉心湯合宜。  
泄滿降逆斯為美。

炙草 二錢 黃芩 乾薑 各一錢 五 勿半夏 一錢 黃連 五分

大棗 二枚 水煎服

茵陳蒿湯

黃如橘色腹微滿頭汗還餘處無汗小便短三倍茵陳

梔大黃內外痠熱如洗盤

茵陳六水梔子五枚大黃二水三杯先煮茵陳至杯

半後入諸藥煮至八分溫服日三服小便當利尿如皂

莢汁色正赤一宿腹減黃從小便去也

麻黃連豆湯散太陽無汗之黃若在太陽陽明之

間用梔子蘗皮湯以清火若在陽明之裏當用此

湯以逐穢

傷寒真方歌括卷二

傷寒真方歌括卷二



平對入地... 傷寒真方歌括卷二

前... 傷寒真方歌括卷二

細... 傷寒真方歌括卷二

黃... 傷寒真方歌括卷二

商州府志

傷寒真方歌括卷三

閩長樂陳念祖脩園著

冶南林壽萱校

少陽上篇

提綱有口若咽乾目眩之症三者能開能合相火為害故病法當清火。

少陽主半表半裏寒熱相雜若邪在半表其寒熱往來於外宜以小柴胡湯解半表之虛邪以大柴胡湯解半表之實熱若邪在半裏其寒熱相搏於中則為嘔吐腹痛以黃連湯主之其寒熱互結於心下則為痞滿嘔逆以半夏瀉心切主之其寒熱相阻於心下則為拒格食入即出以乾薑黃芩黃連人參湯主之若邪全入於裏則膽

脘受病。膽火下攻於脾。而為自利。有黃芩湯法。膽火上逆於胃。利又兼嘔。有黃芩加半夏生薑湯法。此皆少陽正治方法也。

蓋少陽為樞。職司開合。而轉運其樞。全賴胃氣充滿。則開合有權。其邪不能內犯。胃氣不振。則闕鑰廢弛。邪得出入矣。

### 小柴胡湯

豚弦脅痛。小柴胡。夏草。薑。芩。參。棗。枳。和解少陽為正法。陽明兼症。豈殊途。



柴胡四錢。人參黃芩炙草生薑各一錢五分。半夏一錢。

大棗二枚。水二杯煎一杯半去滓再煎八分溫服。

此方以二劑合作一劑方稱原方三服之一。今易作小劑。徇時好也。深於醫者必照古法不待余贅。小陽介於兩陽之間。須兼顧三經。故藥不宜輕。去渣再煎者。此方乃和解之劑。再煎則藥生和合。能便經氣相融。不復往來。出入古聖不但用藥之妙。其煎法具有精義。

加減法 若胸中煩而不嘔者。去半夏人參。加括

姜二錢。若渴者去半夏，加人參五分，括蕞根二錢。若腹中痛者，去黃芩，加白芍藥一錢五分。若脇下痞澀，去大棗，加牡蠣二錢。若心下悸，而小便不利者，去黃芩，加茯苓二錢。若不渴，外有微熱者，去人參，加桂枝一錢五分。溫覆取微似汗。○若欬者，去人參，大棗生薑，加五味子七分，乾薑一錢。

### 大柴胡湯

脈弦而沉，沉有力，相火結熱，下宜亟。芩芍棗夏枳柴薑。

大柴湯是小柴翼。

柴胡四錢。半夏黃芩芍藥枳實各一錢五分。生薑五分。

煎法同小柴胡湯。

此方本無大黃。所云結熱。非實熱也。下解其熱。非  
導其便也。小柴胡湯治半表之虛。此治半表之實。  
即小柴胡湯之翼也。今活人書每以此方代承氣  
湯。取大便微利。重在大黃。畧變中景之法。不可不  
知。

黃連湯

胸中有熱胃邪麗黃連甘草乾薑桂人參夏草理陰陽  
嘔吐腹疼為妙劑。

黃連炙草乾薑桂枝各一錢五分。人參五分。半夏一錢。

大棗二枚。水煎分二服。日三夜二。

即柴胡湯以桂枝易柴胡以黃連易黃芩以乾薑  
易生薑此症雖無寒熱往來於外而有寒熱相博  
於中所以寒熱攻補並用仍不雜少陽和解法也。  
半夏瀉心湯。

滿而不痛則為痞。心隔難開何所以夏草參連芩棗薑。

宣通膠滯同歡喜。

半夏

三錢

黃芩乾薑炙草人參各一錢五分。大棗二枚。

黃連

五分

水煎溫服。

乾薑黃芩黃連人參湯

厥陰寒格用乾薑吐下芩連是所長。誤治致虛參可補。分途施治不相妨。

人參黃連黃芩乾薑各一錢五分。水煎服。

入口即吐。是火炎之象。故苦寒倍於辛熱。但吐下誤後中外之氣索然。故以人參補其中氣。並以助。

乾薑之辛。衝開格逆。而吐止。食入矣。凡嘔家夾熱。不利於桔半者。服此方而晏如。

黃芩湯

黃芩湯用甘草。太陽少陽合病。討。不利。只須用本方。

燕嘔薑夏加之好。

黃芩二錢 炙甘草藥各二錢 大棗三枚 水煎服。日二夜

黃芩加半夏生薑湯。即前湯加半夏二錢。生薑三錢。煎服法同。

二陽邪入少陽之裏。膽火下攻於脾。故自下利。上

逆於胃。故兼嘔也。此湯苦甘相濟，調中以存陰也。兼嘔者，加半夏以降逆，生薑以散邪也。

### 少陽中篇

少陽雖有汗吐下三禁，而法中又有口不渴，身有微熱

以微熱驗其表邪尚在 去人參加桂枝以取汗。傷寒六七日發

熱微惡寒。支節頃疼。微嘔。心下支結。支撐也。若在胸脇間外

症未去者。以柴胡桂枝湯汗之。下後胸結脇滿微結

小便不利。渴而不嘔。頭汗出。邪鬱於經不得外越 往來

粟熱。用柴胡桂枝乾薑湯以汗之。又有柴胡症具而

易震真方次舌 卷三 五

反下之心下滿而鞭痛此為結胸大陷胸湯主之。本  
柴胡症醫以丸藥下之微利胸脇滿而嘔日晡熱者小  
柴胡加苦硝湯下之。是汗下之法不可不審用也。

柴胡桂枝乾薑湯

寒熱往來頭汗出。心煩胸脇滿而室柴芩薑蠣括樓甘  
花勑桂枝加減七。

柴胡

四錢

桂枝黃芩各一錢五分括樓根二錢乾薑牡

蠣炙草各一錢。水煎服。初服微炊再服。注出而愈。

接本方用乾薑一以散脇之微結一以濟芩萎之



苦寒使陰陽和而家熱已也

大陷胸湯 見太陽救誤篇

柴胡加芒硝湯

少陽邪入陽明府日晡熱潮脇滿吐甘夏參苓柴草薑  
芒硝加上病方愈

柴胡一錢二分 黃芩炙草生薑人參各一錢 半夏七分

棗一枚 芒硝一錢 水煎後入芒硝一二沸服

接胸脇滿而嘔少陽之邪正盛也日晡所發潮熱  
陽明之熱已結也本宜大柴胡兩解之因以丸藥

傷寒論卷三  
誤下強逼溘糞胃氣大傷大柴胡中有大黃枳寔  
之峻必不堪受不如小柴胡湯有人參甘草以扶  
之也如芒硝者勝熱攻堅速下不停無傷胃氣是  
以峻攻之藥為補養法也

柴胡桂枝湯

太陽未罷少陽多支結煩疼寒熱過津液一通營衛治  
小柴方內桂枝如

柴胡一錢黃芩桂枝芍藥生薑各八分人參一錢五分

炙草五分棗二枚煎服

按此太陽邪輕少陽和甚之方。故湯名以柴胡為元也。活人往往取代桂枝湯。看似變通。實亂仲景之法。余推活人所以取代之故。以論中有和其營衛以通津液後自愈十一字也。

### 少陽下篇

少陽失治壞症最多。非有補天浴日手段。不足以語此。論云傷寒八九日下之胸滿煩驚小便不利。譫語一身盡重。不可轉側也。柴胡加龍骨牡蠣湯主之。

紫胡加龍骨牡蠣湯

太陽誤下心煩驚譫語身沉水不行。芩夏參枝柴薑棗

伏丹龍牡定神明

柴胡龍骨牡蠣生薑人參茯苓鉛丹黃芩桂枝半夏各

一錢五分。大棗二枚。水煎入大黃二錢。二三沸溫服。

此乃正氣虛耗邪已入裏而復外擾三陽故現症

錯雜藥亦隨症施治真神化無方也。入借治癩癩

症神效。

傳經發明

按宋元以後醫書皆謂邪從三陽傳入。俱是熱症

唯有下之一法論中四逆白通理中等方俱為直  
中立法何以謂之直中謂不從三陽傳入徑入三  
陰之臟。唯有溫之一法凡傳經俱為熱症寒邪有  
直中而無傳經數百年來相沿之說也。余向亦深  
信其然。及臨症之久則以為不然。直中二字傷寒  
論雖無明文而直中之病則有之。有初病即見三  
陰寒症者。即宜大溫之。有初病即見三陰熱症者。  
即宜大涼之。大下之。是寒熱俱有直中也。世謂直  
中皆為寒症者非也。有謂遞次傳入三陰。盡無寒

症者亦非也。蓋家熱二氣盛則從化。余揆其故則有二。一從病體而分。一從誤藥而變。何則人之形有厚薄。氣有盛衰。臟有寒無。所受之邪每從其人之臟氣而為熱化寒化。今試譬之於酒。酒取諸水泉。寒物也。酒釀以曲藥。又熱物也。陽藏之人過飲之不覺其寒。第覺其熱。熱性迅發。則吐血面瘡。諸熱症作矣。陰藏之人過飲之不覺其熱。但覺其寒。寒性凝滯。則停飲腹脹泄瀉。諸寒症作矣。知此愈知寒熱之化由病人之體而分也。何謂誤藥而變。

凡汗下失宜。過之則傷正。而虛其陽。不及則熱熾。而傷其陰。虛其陽則從少陰。陰化之症多。以太陽少陰相表裏也。傷其陰則從陽明。陽化之症多。以太陽陽明迺相傳也。所謂寒化熱化。由誤治而變者此也。至云寒邪不相傳。更為不經之說。仲景云下利腹脹滿。身體疼痛者。先溫其裏。乃攻其表。溫裏宜四逆湯。攻表宜桂枝湯。主之。此三陽陽邪傳入三陰。邪從陰化之寒症也。如少陰症。下利白通湯主之。此太陰寒邪傳入少陰之寒症也。如下利

傷寒真方歌括卷三終  
清穀裏寒外熱。汗出而厥者通脈四逆湯主之。此  
少陰寒邪傳入厥陰之寒症也。誰謂陰不相傳。無  
陽從陰化之理乎。

傷寒真方歌括卷三終



傷寒真方歌括卷四

閩長樂陳念祖修園著 治南林壽萱校

太陰全篇方法

太陰為濕土。純陰之臟也。故病一入太陰。即從陰化者。多從陽化者少。從陰化者。如論中腹滿吐食。自利不渴。手足自溫。時腹自痛。宜四逆湯。理中湯之類。主之。從陽化者。如論中發汗不解。腹滿痛者。急下之。宜大承氣湯。腹時痛者。桂枝加大黃湯。是也。

理中圓及湯

理中白朮草薑參益氣驅寒走太陰。只取中焦交上下。辛甘相輔意殊深。

人參白朮乾薑炙草各等末。為末。蜜丸如雞子黃大。以沸湯和一丸。碎溫服之。日三四服。腹中未熱。益至三四丸。服後如食頃。啜粥。然丸不及湯。又以四味切片。作湯服之。

參草甘以和陰。薑朮辛以和陽。辛甘相輔以處中。上交於陽。下交於陰。陰陽和順。而百病愈矣。

若臍上築者。腎氣也。去禾加官桂。吐多者去朮。  
加生薑。下多者。還用朮。悸者加茯苓。渴欲飲  
水者加朮。腹中痛者加人參。寒者加乾薑。腹  
滿者加附子。

桂枝加芍藥湯。桂枝湯加芍藥一倍。倍芍藥  
者。能監桂枝。深入陰分。升舉誤下之邪。出於陽分。  
而腹痛自愈。

桂枝加大黃湯。桂枝湯加芍藥一倍。大黃七分。  
倍芍藥者。苦以泄其堅。加大黃者。通以導其滯也。

腹痛。桂枝倍芍藥。大黃枳實更加。酌病從太陽誤下來。仍用太陽方斟酌。

四逆湯

大承氣湯

蓋脾與胃全處腹中。腹痛腹滿兩皆有之。然腹滿為太陰病。心下滿為陽明病。其陽明亦有腹滿者。但陽明腹滿與熱同化。兼有潮熱自汗。不大便之症。不似太陰與濕同化。兼有發黃暴煩下利穢腐之症也。

傷寒真方歌括卷四終

傷寒真方歌括卷五

閩長樂陳念祖修園著

東治林壽萱校

少陰症全篇

論云少陰之為病，脈微細，但欲寐

也。只此二句為提綱。此篇則分析而言之。

少陰腎經。水火之臟。邪傷其經。隨人寔虛。或從水化而為寒。或從火化而為熱。水化為陰寒之邪。是其本也。火化為陽熱之邪。是其標也。陰邪其脈沉細而微。陽邪其脈沉細而數。至其見證。亦各有別。陰邪但欲寐。身無熱。陽邪雖欲寐。則多心煩。陰邪背惡寒。中和陽邪背惡

傷寒直解卷五  
寒口中燥陰邪咽痛不腫。陽邪咽痛則腫。陰邪腹痛下  
利清穀。陽邪腹痛下利清水。或純青色。或便膿血也。陰  
邪外熱。面色赤。裏寒大便利。小利白。陽邪外寒。乎足厥  
裏熱。大便秘。小便赤。此少陰標本寒熱之脈症也。凡從  
本之治。切宜溫寒。回陽從標之治。切宜攻熱救陰。其機  
甚微。總在臨症詳究。辨別標本寒熱。以急施其治。庶克  
有濟。稍緩則不及矣。

從大醫院使編訂

少陰症有化寒化熱。兩途施治。不外回陽救陰二法。人

固知之矣。而抑知回陽之中。而有薰汗兼溫之異乎。論云少陰病始得之。反發熱。麻黃附子細辛湯主之。又云少陰病得之二三日。麻黃附子甘草湯微發汗。以二三日無裏症。故發汗也。蓋二症俱以少陰而得太陽之熱。故用麻黃以發汗。因二症之脉俱沉。用附子以固腎。腎固則津液內守。汗不傷陰。一合細辛。猶麻黃湯急汗之峻劑。一合甘草。猶桂枝緩汗之和劑也。至于嘔逆腹痛。小便不利。用真武湯。背惡寒。用附子湯。晝日煩燥。交而安靜。用薑附湯。四肢逆冷。用四逆湯。四肢逆冷而脉細。

欲絕用通脈四逆湯。吐利雖止汗出而厥四肢拘急脈  
微欲絕者用通脈四逆加豬膽汁湯。下利脈微用白通  
湯。利不止厥逆無脈乾嘔煩者用白通加人尿豬膽汁  
湯。吐利手足逆冷煩燥欲死者用吳茱萸湯。惡寒脈微  
而利利止者亡血也。用四逆加人參湯。汗下之後病仍  
不解煩燥者用茯苓四逆湯。已上諸方溫而兼補皆所  
以回陽也。抑又知救陰之中更有補正攻邪之別乎。如  
咽痛用甘草湯。桔梗湯。半夏散及湯。苦酒湯。豬膚湯。心  
煩不卧用黃連阿膠湯。不眠煩渴小便短赤用豬苓湯。



陽邪傷陰。陰傷不能接陽。為四肢逆冷。用四逆散。下利膿血。用桃花湯。皆救陰中之補正劑也。如口燥咽乾。宜急下之。自利清水。色純青。心下必痛。口乾燥者。可下之。六七日。腹脹不大便者。急下之。凡曰急者。不可緩之。須臾。致邪火燍乾津液而死。以大承氣湯主之。此皆救陰中之攻邪劑也。

麻黃附子細辛湯。

麻黃細辛 各二錢 附子 一錢

水煎麻黃去沫。入諸藥同煎。溫服。

時師細辛只用一錢

麻黃附子甘草湯。

即前方去附子。加炙草二錢。

發熱脉遲屬少陰麻黃附子細辛尋細辛不用加甘草  
溫腎驅寒用意深。二症俱發熱故俱用麻黃以發汗。  
脉俱沉故俱用附子以固腎腎固則津液內守汗  
不傷陰。一合細辛猶麻黃湯急汗之法。一合甘草  
猶桂枝湯緩汗之法也。

### 真武湯

腹痛肢疼欬嘔。此方真武推神守。茯苓芍朮附子薑。  
煨土鎮水各入扣。  
茯苓芍藥生薑各三錢白朮二錢附子一錢水煎服。

附子壯元陽。則水有所主。白朮建土氣。則水有所  
制。合芍藥之苦以降之。茯苓之淡以泄之。生薑之  
辛以行之。總使水歸其壑。今人以行水之劑。目為  
溫補之劑。誤矣。

若嗽者。加五味子一錢。乾薑細辛各五分。時法去  
生薑。若小便利者。去茯苓。若下利。去芍藥。加  
乾薑二錢。若嘔者。去附子。倍加生薑。

附子湯

口和脈細。背憎寒。火灸關元。即刻安。芍藥人參苓朮附。

身疼肢冷是神仙。

附子人參各二錢 茯苓芍藥各三錢 白朮四錢 水二杯

煎八分温服

此湯藥品與真武相當。唯生熟分兩各異。其補陽鎮陰。只在一味轉旋。學者所當深心體會。

乾薑附子湯

晝而煩躁屬陽虛。

陽虛有二。有喜陽者。有畏陽者。大抵陰赤虛者。畏陽。陰不虛者。喜陽。此因

下後陰亦虛。故反畏陽也。脉見沉微。誤汗餘。下後豈容更發汗。乾薑

附子補偏歟。

乾薑附子各三錢水煎服

余於活人百問煩躁症中注此方下陰盛偏安於陰分故夜而安靜何相反至是而不知此言陰虛者言吾身真陰之虛也彼言陰盛者言陰寒之氣盛也陰陽二字各有所指

四逆湯

四逆薑附君甘草除陰回陽為至寶徹上徹下行諸經三陰一陽隨搜討

炙草二錢乾薑一錢五分附子生用一錢水一杯半煎

八分服

生附子乾薑徹上徹下開闢羣陰迎陽歸舍交接  
十二經為斬旗奪關之良將而以甘草主之者從  
容籌畫身有將將之能也

此方少陰用以扶元海之陽太陰周以溫藏中之  
寒厥陰薄厥陰欲立亡非比不救至千大陽誤汗  
亡陽亦用之

通脈四逆湯即四逆湯倍用乾薑

通脈四逆加豬膽汁方  
即前方煎成六備胆汁

九茶匙

時法以黃連二分研末代之

四逆倍薑名通脉疾呼外陽歸其宅更加猪膽汁些微藉其苦寒通担格

名通脉者以此時生氣也離亡在頃刻若以柔緩之甘草為君豈能疾呼外陽而使返耶故易以乾薑而仍不減甘草者恐散渙之餘不能當乾薑之猛還藉甘草以收全功也後方加猪膽汁者速陽藥下行

加減法

面赤者加連鬚葱三莖腹痛者哉葱加

為藥二錢。嘔者加主薑二錢。咽痛去芍加桔梗一錢。利止脈不出者去桔梗加人參二錢。

白通湯

乾薑附子各三錢

葱白二莖每莖約二

水二杯煎八分溫服

薑附燥腎之所苦。須藉葱白之辛以通之。葱白

通上焦之陽。下交於腎。附子啓下焦之陽。上承於

心。乾薑溫中土之陽。以通上下。上下交。水火濟。利

自止矣。

白通加豬膽汁湯

即白通湯。八人尿十五茶匙。



猪膽汁七茶匙。令相得溫服。寒盛格熱當用監  
制之法。人尿之鹹。勝諸膽汁之苦。猪膽汁之苦。勝  
薑附之辛。辛受制於鹹。苦則鹹苦為之。向導便能  
下入於少陰。俾冷性消而熱性發。其功乃成。又為  
外護法也。

少陰下利白通湯。無脉嘔煩。膽汁將葱白入陰通否隔。  
回陽附子與乾薑。

吳茱萸湯見陽明

四逆加人參湯

傷寒論卷五  
脈微而利更增寒。利止血亡氣亦殘。四逆湯中參速配。  
重生津液漸恬安。即四逆湯加人參一錢。

四逆湯

煩燥轉增汗下後真陽擾越勢難救。四逆加參重茯苓。  
症類梔豉瀕豆究。即四逆湯加人參一錢茯苓六錢。

此為汗下之後厥悸不愈忽增煩燥為水氣凌心  
之症。然必參以他症。方不誤認為梔子豉陽症。  
甘草湯 甘草六錢水三杯煎一杯分兩次服。  
桔梗湯 即前方加桔梗三錢。

緩以甘草開桔梗少陰客熱不須猛咽痛分合先後宜淡而不厭須靜領。

### 半夏散及湯

陰火攻烟必挾痰風邪內薄勢相叅桂枝半夏及甘草。經訓當遵勿妄談。

半夏桂枝炙草各等分。為末。白飲和服三錢。日三服。不能服散者。水煮七沸。入散三錢。更煮三沸。少冷。少少嚥之。

本經。半夏治咽喉腫痛。桂枝治喉痺。此乃咽喉之

傷寒身熱 卷五  
主藥後人以二味為禁藥可也。

### 苦酒湯

少陰咽痛且生瘡。半夏雞清若酒湯。洌飲消瘡除伏熱。  
發聲潤燥有專長。

半夏洗棗核大七放。切作十四片。雞子黃一隻去黃內。  
半夏着苦酒中。以雞子殼置刀環中。安火上。令二沸。去  
滓。少少含嚥之。不差再服。

### 猪膚湯

利餘咽痛用猪膚。蜜粉和中。助轉輸。彘主腎經。膚主肺。

誰將妙諦反三隅

猪膚四兩水七杯煮三杯入白蜜七錢米粉四錢熬香  
分二三服

少陰之脉循喉嚨挾舌本。少陰二三日咽痛是陰  
火上冲可與甘草湯甘涼瀉火以緩其熱不瘥者  
配以桔梗兼辛以散之之義也至下利咽痛是腎  
液下泄不能上濡於肺絡燥而為咽痛者又非甘  
桔所能治當以猪膚潤肺腎白粉白蜜緩之於中  
而上中下之燥邪解矣此三方為正治之輕劑也

若陰症似陽惡寒而欲吐者又非甘桔所能療當  
用半夏之辛溫散其上逆之寒桂枝之甘溫散其  
陰寒之氣或散或湯隨病人之意也如喉痛且傷  
生瘡不能言語者不得即認為熱症仍取半夏之  
辛以豁痰苦酒之酸以飲瘡雞子白之清以發聲  
少少含嚥內外兼治之法也若夫裏寒外熱手足  
厥逆咽痛用四逆湯詳於本方之下宜合參之

黃連阿膠湯

心煩不臥主阿膠雞子芩連芍藥交邪入少陰從熱化

坎離交媾在中爻

黃連二錢、黃芩五分、芍藥一錢、阿膠一錢五分、雞子黃一枚、水一杯半、煎八分去滓、入阿膠盡、小冷入雞子黃攪勻、溫服日三服。

猪苓湯見陽明

四逆散

陽邪傷陰亦四逆。枳實芍草攻和策。

四逆四肢逆冷也。熱邪益陰以枳實

泄之熱邪傷陰以為草和之。

陰為陽傷不接陽和其樞紐。柴專責。

枳實芍藥柴胡參草各一兩為末。白飲和服日二

三服。

欬者加五味乾薑各兩半并主下利  
悸者加桂枝五錢  
小便不利者加茯苓五錢  
腹中痛者加附子炮半枚  
泄利下重者先濃煎薤白湯內藥三錢再煎一二沸溫服

### 桃花湯

少陰下利便膿血粳米乾薑赤脂百脂入陽明手截住  
薑米入腎亦安腹痛尿短病如撒  
赤石脂一兩六錢留少許篩末乾薑一錢粳米四錢水



四杯煎二杯入赤脂末方寸七分兩服若一服愈餘勿服。

此是手足陽明感少陰君火熱化太過閉藏失職。開闔盡撤。緩則亡陰。故只泄陽明之道路。利止而腎亦安。


大承氣湯見陽明

傷寒真方歌括卷五

仁定道之品并

卷五

七



Faint, illegible vertical text impressions, likely bleed-through from the reverse side of the page.

訓末式十心

傷寒真方歌括卷六

閩長樂陳念祖修園著

東冶林壽萱校

厥陰全篇

厥陰之為病。消渴、氣上撞心、心中疼熱、饑而不欲食、食

則吐蚘、下之利不止。

論云  
總綱

厥陰陰盡湯生之藏。與少陽為表裏者也。故其為病。陰

陽錯雜。寒熱混淆。邪至其經。從化各異。若其人素偏於

熱。則邪從陽化。故消渴。氣上衝心。心中疼。口爛。咽痛。喉

痺。喉癰。便血等陽症見矣。大法用烏梅丸。苦寒之中雜

以溫補之品。以治其本。而厥深熱亦深。必用大小承氣湯。厥微熱亦微。只用四逆散。下利後重者。必白頭翁湯。非一於苦寒者。不能勝之也。若其人素偏於寒。則邪從陰化。故手足厥冷。脈微欲絕。膚冷藏厥。下利除中等陰症見矣。大法以四逆湯通脈。四逆湯為主。不可雜以苦寒之品。以掣其肘也。如初起。手足厥寒。脈細欲絕。以厥陰之藏。相火遊行其間。不遂。用薑附之熱。只用當歸四逆湯。和之內有久寒。再加生薑。吳萸。以溫之。如乾嘔止。涎沫。吳茱萸湯主之。若夫烏梅丸。溫補之中。加以苦寒。

乃治寒以熱涼而行之之意。最得厥陰之和法。蓋厥陰所重在護其生氣。不專參朮之補。薑附之熱。與火陰少陰不同也。

少陽不解。傳變厥陰而病危。厥陰病。哀轉屬少陽。為欲愈。陰陽消長。大伏危機。

厥陰為乙木。性宜沉。木中有火。沉則火下守。而腎水溫。升則火上撞。則腎水寒。論云。消渴。心中疼熱。皆火升之病也。論云。饑不能食。食則吐。既皆腎水寒。胃氣因而不煖。致木氣肆逆於胃口。則不食。木盛生風。則生蟲也。論

云下之利不止亦腎中寒而不能閉納也此經為病陰陽錯雜唯烏梅丸可以統治之

合參

厥陰木中有火此火為陰火故有時而下有時而上厥為陰陰氣下行極而上則發熱矣熱為陽陽氣上行極而下則又厥矣調和於二者之間功在安胃故烏梅丸蒸於飯上佐以人參下以白飲時安胃之意

程云他症發熱時不復厥發厥時不復熱蓋陰陽互為勝復也唯此症孤陽掄其勝勢厥自熱熱自厥深則

熱亦深。厥微則熱亦微。而發熱中。兼夾煩渴。下利之裏  
症。總由陽陷於內。菟其陰於外。而不相接也。烏梅丸  
中細辛一味最妙。烏梅丸破陰以行陽。於酸辛入肝  
藥中微加苦寒。納逆上之陽邪。順之使下。為厥陰症之  
總方。  
勝復之機。操自胃氣。胃氣熱者。陰當復而不復。則為厥  
深熱深之症。胃氣寒者。陽當復而不能復。則為膚冷藏  
厥之症。

烏梅丸

烏梅丸內蘘連薑參桂椒辛歸附當寒熱散收相互用  
厥陰得此定安康。

烏梅九十三枚乾薑一兩當歸四錢黃連一兩六分蜀  
椒四分炒桂枝个參黃蘘附子細辛各六分各研末以  
苦酒浸烏梅一宿去核飯上蒸之搗成泥和蘘令相得  
入煉蜜共搗干下丸如桐子大先飲食白飲和服十九  
日三服漸加至二十九丸

內經云伏其所主先其所因或收或散或逆或從  
隨所利而行之調其中氣使之和平此方深得經



旨為厥陰病之總法。

白頭翁湯

白頭翁主厥陰利。下重喜水津耗類。連蘗秦皮四味煎。堅下煎乎中熱熾。

白頭翁一升黃蘗黃連秦皮各一升五分水煎服不愈更作一服。

大寒以清中熱。故治欲飲水。大苦以堅下焦。故止下利。

承氣湯見湯明

四逆散四逆湯通脉四逆湯俱見少陰

當歸四逆湯

當歸芍藥桂枝細辛各一不五分

炙草木通

各一

不

大棗

四不

水煎温服

此方之

多用大棗即建中湯之重用膠飴意也

時法用

此方倍加當歸細辛只用一錢

當歸四逆加吳萸生薑湯

即前方加吳萸泡二

錢生薑四錢酒水各半杯煎温服

當歸四逆甘通草桂芍細辛併大棗通脈養血此為神

素寒加入薑萸好

吳茱萸湯見湯明

乾薑黃芩黃連人參湯見少陽

白虎湯見太陽

厥陰續篇

厥陰有用吐法者。論云手足厥冷。脈乍緊者邪在胸中。心下滿而煩。饑不能食者。病在胸中。須當吐之。宜瓜蒂散。有用利水法者。論云厥而心下悸者。宜先治水。當服茯苓甘草湯。却治其厥。不爾水漬其胃。必作利也。有熱厥下後之危症者。論云傷寒六七日。大下後寸脈

沉而遲脾肺陽氣下陷也。手足厥冷。下部脉不至。肝家之陰。亦復衰竭。陰家

不相順接以故手足為之厥冷也。咽喉不利。唾膿血。厥陰之跡貫膈上。法師循喉龍之後。

下後吐津液泄利不止者為難治。陽氣下陷於陰分。陰遂戈肺痿。

麻黃升麻湯主之。升陽和陰潤肺補脾調肝。冀成萬一之功。

### 瓜蒂散

胸中痞鞭寸微浮氣上衝兮熱汗流小豆勻平瓜蒂散。

稀糜承載出咽喉。

瓜蒂亦小豆各等分為末。取二錢以香豉一撮用熱湯

煮作稀糜和藥散服之。不吐者少少加得快吐乃止。諸

亡血家不可與之

茯苓甘草湯

見太陽篇

麻黃升麻湯

邪深陽陷脉沉遲薑朮麻黃升桂枝歸芍天冬苓石草。

姜豨潤肺佐苓知

麻黃二錢五分升麻當歸各一錢知母黃芩姜各五分

白朮石膏乾薑芍藥天冬桂枝茯苓甘草各三錢先煮

麻黃去沫後入諸藥煎服

陰陽陽差後勞復病方法

論云傷寒陰陽易之為病。其人身體重少氣。少腹裏急。

或引陰中拘攣。熱上衝胸。頭重不欲舉。眼中生花。膝脛

拘急者。燒裊散主之。

論云大病差後勞復者。枳實枳子湯主之。

時醫必用補中益氣湯。誤

人若有宿食者。加大黃如博棊子大五六枚。

論云傷寒差已後更發熱者。小柴胡湯主之。

不因勞食而更勞食。

者。此半表半裏之間。有留邪也。故用小柴胡湯。

脈浮者。

是熱發表表。

以汗解之。脈沉實者。

是熱發在裏。

以下解之。

有重感脈浮是。

脈沉實足  
飲食失品

論云大病差後從腰已下有水氣者牡蠣澤瀉散主之

後人用五苓去桂加牡蠣海藻甚穩

論云大病差後喜唾久不了了者胃中有寒當以丸藥

溫之不可用湯藥宜理中丸

論云傷寒解後虛羸少氣氣逆欲吐者枳實石膏湯主

之

論云傷寒脈結代心動悸炙甘草湯主之

愚按人身天真之氣全在胃口津液不足即是虛生

津液即是補虛。仲師以竹葉石膏湯治傷寒解後虛。言氣少氣以甘寒為主。以滋津為佐。是善後第一治法。

余以炙甘草湯與六經症亦不甚合。想亦是既愈善

後之計。論云傷寒脈結代。氣血兩虛經隧不通陰陽

而不能自心動悸。發汗過多血虛炙甘草湯主之。還為代。

此以滋津為主。甘寒為佐。後人不知以參耆朮苓桂

附歸熟之類溫補之。宜不併餘邪餘熱留之為害乎。

張子和謂大病後養以五穀五菜即是補法。不用參

朮雞羊等。助其餘熱致病。誠見道之言也。



燒裨散

傷寒何謂陰陽易。病瘥交接餘熱客。方用陰前焜燒灰  
求其所屬治其劇。

取婦人裨近前陰剪燒灰為末。水和服一二錢小  
便利陰頭腫即愈。婦人病用男子裨。

牡蠣澤瀉散

病後士哀下部腫。拓蔓蠣澤瀉葶藶。商根海藻泄虛邪。  
熱撤水梢分不恐。

牡蠣括蔓根蜀漆葶藶子商陸海藻各等分為末。白湯

和一錢五分。小便利。止後服。日三服。

商陸水煎服。殺人。故用散。

### 竹葉石膏湯

解後虛羸尚欲吐。人參粳米炙甘護麥冬半夏竹葉膏  
清熱解煩胃氣布。

石膏八錢 半夏二錢 人參一錢五分 炙草一錢 麥冬三

錢 粳米四錢 竹葉二十一片 水三杯 煎一杯半 去滓 內

米煮半熟湯成。去米。溫服。日三服。

滋養肺胃之陰氣。以復津液。此仲  
治傷寒愈後

調養才也後之庸醫溫補脾腎大違聖訓。

枳寔梔子湯

勞復勞熱多停滯。枳寔山梔同豆豉水取清漿先後煎。按之若痛大黃煮。

枳寔二錢。梔子五枚。豆豉一撮。先以清漿水三杯空煮。至二杯。內枳寔梔子煎至一杯。內豉煮五六沸。服。覆以微汗。若有宿食內大黃一錢五分同煎。

漿水即淘米之泔水。久貯味酸為佳。

小柴胡湯見少陽

理中湯見太陰

炙甘草湯

益虛參麥炙甘草和調桂枝薑棗好生地阿膠麻子仁  
結戍心悸此方寶。

炙草二錢桂枝生薑各一錢五分人參二錢麥冬大麻  
仁各二錢五分阿膠二錢地黃八錢大棗二枚水二杯  
清酒一杯煎分分入膠烱溫服。

此仲景另開一補陰之門。疑為邪盡正虛病後補  
養之法。與竹葉石膏湯為一寒之溫之對子。

附錄魏念庭先生傷寒論跋語

六經既叙。仍得而彙言之。先言表裏之義。三陽固爲表。而大陽非表之表乎。少陽非表中之半表裏乎。三陰固爲裏。而大陰非裏之表乎。少陰非裏之半表裏乎。厥陰非裏中之裏乎。再言經與藏府之表裏。大陽經與膀胱也。陽明經與胃府也。少陽經與胆府也。非表中之表裏乎。太陰經與脾藏也。少陰經與腎藏也。厥陰經與肝藏也。非裏中之表裏乎。表裏之義得而汗下之法可明矣。在表具可汗。是陰經可汗也。在裏具可下。是陽經可下。

也。請再言其升降之義。人之一身。胸膈居上。心居中之。上腹居中之下。少腹更在下。邪在上則越之可也。邪在上腹之中則瀉之可也。邪在中之下。下之可也。邪在下。洩之可也。越者升而散之也。瀉者徐而滌之也。下者攻而除之也。洩者就勢而推致之也。故除發汗解肌治表之外。又有瀉心諸方。以瀉中上之邪。有承氣諸方。以下中下之邪。有抵當等湯。以洩少腹在下之邪。外有和解一方。以治半表裏之邪。皆審邪之所在。順邪之性。而治之也。俱不外升降之義也。請再言寒熱虛實之辨。正實則

邪必虛。正虛則邪必寔。其常也。正虛而邪亦虛。正實而邪亦實。其變也。治其邪實而必不妨於正。治其正虛而必無助乎邪。方為善治也。熱則脈證具熱。寒則脈証具寒。其真也。熱而脈證似寒。寒而脈証似熱。其假也。治其熱而必兼顧其陽。治其寒而必兼顧其陰。方為妙法也。其間有寒熱錯雜之邪為患者。則又有寒熱錯雜之治。而救陰救陽之理愈可明矣。陰盛而陽衰。必馴至有陰而無陽。此扶陽抑陰。應圖之于早也。陽盛而陰衰。必漸成亢陽而亡陰。此濟陰和陽。應識之于預也。陽無而陰

不獨存陰亡而陽不孤立相維則生相離則死此又陰陽不可偏勝之大綱也明乎此則傷寒論六經之理已盡而凡病具可引伸觸類其理無盡矣此余之所以再為伸言也乎

先生著傷寒本義字櫛句比盡見苦心每卷中俱有獨得之言以補前人所未及余最擊賞惜其刻意求新不無偏處遠稽博採不無泛處守方氏傷寒傷風風寒兩感之說不能正其訛偷時俗傳經為熱直中為寒之說不能辨其非更為執一不通



至于駁雜處矛盾處附會處不一而足。總屬好高之過也。獨此篇跋語寥寥數語。仲師之全論。包攬無遺。且能于全論中引而不發之意。一一闡出。與柯韵伯先生論翼不謀而合。而爽朗過之。真不厭百回讀也。余于傷寒三注中。取舊歌若干首。十以其七分。配六經。各立方例。每方詳註其所以然之妙事。峻錄先生此跋以殿之。蓋以先生學問素高。此篇更另出手眼。疑有神助。即余自作。亦不是過也。未知海內諸君子。原余之掠美否。脩園陳念祖

自記於南雅堂

傷寒真方歌括卷六終